

তিতাস খুঁড়ে

বাতাসের মতো স্পর্শপ্রবণ

তিতাস একটি নদী মাত্র...কিন্তু তাই বলিয়া তার কি সত্য কোনো ইতিহাস নাই? চৈতন্যের ঠিক সেখানটায় ইতিহাস-বোধ কাজ করে, জীবন চর্যার যেখানে ইস্ট-কুটুমের দ্বন্দ্ব প্রায় সবটাই ধ্বংসের আন্তরগে ঢাকা পড়ে যেতে পারে ইতিহাসের পঙ্কিমালা, ওই ঘোর অমানিশা থেকে তুলে সঠিক ওজনের শব্দকটি প্রবাদ প্রতিম লেখক অবৈত মল্লবর্ষণ আঘাত হানতে পেরেছেন। যে স্থবিরতার কালে মগজের স্নায়ুগুণ্ডি ক্রমশ জটের আকার নিয়ে—শব্দধুমাত্র ভেঁতা নয়, অন্ধেষের আর এক আবরণে স্নেজ গাড়ির মতো টেনে নিয়ে গেছে—অক্ষর বিন্যাসের নৈঃশব্দ চেতনা আরও এক ইতিহাস-সম্মানীর প্রস্তুতি নিতে সাহায্য করে। শব্দ দ্যোতনা পালন করে এক অনির্দেশ্য ভূমিকা। ঔপন্যাসিক কখনই ম্যানিফেস্টের ভূমিকা নিয়ে আসরে নামেন না (তাই রক্ষে), ব্যাখ্যার প্রগলভ-তায় খুলে দেন আরও এক সঞ্জীবনী-কবচ। একই উপন্যাসে দেখা পাওয়া যায়—‘পদ্মিথর পাতা পড়িয়া গবে’ ফুলিবার উপাদান এর ইতিহাসে নাই সত্য, কিন্তু মায়ের স্নেহ, ভাইয়ের প্রেম, বোঁ-ঝিয়েদের দরদের অনেক ইতিহাস এর তীরে আঁকা রহিয়াছে।’^২ লেখক জানিয়েছেন ‘সে ইতিহাস সত্য।’

এই সত্যাসত্যপর্বে ইতিহাসটুকু বুঝে নিতে লেখক আমাদের যেটুকু সাহায্য করেছেন সেটিও বিশেষভাবে উল্লেখ্য—‘সত্যের মতো গোপন হইয়াও বাতাসের মতো স্পর্শপ্রবণ।’^৩ ‘তিতাস একটি নদীর নাম’ উপন্যাসের প্রথম খণ্ডে ঔপন্যাসিকের এই দৃষ্টিকোণগুণ্ডি যদি সামান্য সামলে নিতে পারি তাহলে উপন্যাসপর্বে ইতিহাসের ধারাটিকে অনেকাংশই ঘোণা বলে গ্রহণ করতে পারব। উপন্যাসের এই ব্যাখ্যা অনেকক্ষেত্রেই অপ্রাসঙ্গিক মনে হলেও, আলোচ্য উপন্যাসটির প্রবহমানতা পাঠকদের, বিশেষভাবে বাংলা সাহিত্যের ক্ষেত্রে সর্বসাধারণমুখী করে তুলেছে। জীবন-আহুত রচনা দেশ-কাল নিরপেক্ষ হতে পারে না, সে তো বলাই বাহুল্য। অথচ কীভাবে জীবন সম্পৃক্ত হয়ে ওঠে তার একটি সফল আর সার্থক উদাহরণ ‘তিতাস’।

আলোচ্য বিষয় সমগ্র উপন্যাসটির ব্যাখ্যান নয়, একটি খণ্ডিত অংশ। প্রথম খণ্ডের দ্বিতীয় পর্ব ‘প্রবাস খণ্ড’-এ ঔপন্যাসিক মাঘমন্ডল ব্রতকথার বিবরণ দিয়ে আখ্যানভাগ

শুরু করেছেন। যে-সব মানুষজনের কথা অদ্বৈত বলতে চেয়েছেন তিতাসের বর্ণনা প্রসঙ্গে, তাদেরই প্রারম্ভিক পাঠ ঐ রত্নের উদ্‌যাপন থেকে উপন্যাসের ক্রমপরিণতিতে। অবশ্য একথা বদ্বিগ্নে বলার অপেক্ষা রাখে না ‘তিতাস’ উপন্যাসের বিষয় মালোদের জীবন। অতি সাধারণ বর্ণনার ভেতর দিয়ে পাঠকদের গ্রামাটির সঙ্গে পরিচিত করিয়ে দেন লেখক।^৪ কোনো বাহুল্য নেই, সহজ-সরল ভাষায় গ্রামের মানুষজনের পরিচিত পেয়ে উপন্যাসের পরবর্তী অংশে এগিয়ে যেতে কোনই অসুবিধা ঘটে না। যে কারণে বিষয়টি আমাদের কাছে বিস্ময়কর ঠেকে, নদীর বাঁক থেকে উপন্যাসের বাঁকটি কত সাবলীল ভঙ্গিমায়ে একই হাতার মধ্যে চলে আসে। রত্ন অনুষ্ঠান গ্রামে একটি বাৎসরিক উৎসব। জীবন-মৃত্যু এই চক্রের আবর্তনে রত্ন একটি বিশেষ ভূমিকা পালন করে। আশা-আকাঙ্ক্ষার কথা বলে।^৫

কথকতার ইতিহাস

ছাপা অক্ষর বা দৃশ্য সংযোজন পর্বের চলাতি ইতিহাস-ধারণা এ যাবৎ আমাদের কাছে একমাত্র ইতিহাস বর্ণনের চেহারা পেয়ে এসেছে। কিন্তু ইতিহাসের অপরাপর শাখায় মানুষের জীবন-ছন্দের বর্ণনা এতটাই ব্যস্ত হয়েছে, যেখানে সমাজের পূর্ণ অবয়ব ধরা পড়েছে। হামেশাই দেখা গেছে, ছাপা অক্ষরে বা ভিস্যুয়াল ইমেজের মধ্যে দিয়ে অনেক অসত্য কথা প্রতিক্ষালিত হয়েছে, পরবর্তী সময়ে ঐতিহাসিকদের কাছে বিষয়টি হয়ে দাঁড়িয়েছে বিড়ম্বনার। অন্যদিকে অক্ষর জ্ঞানের পরিচয় না থাকা সত্ত্বেও বংশ পরম্পরায় মৌখিক প্রকরণে যে ইতিহাস চলে আসে— তাতে জীবনযাত্রার যে ছবি ফুটে ওঠে, সেটিও নানাভাবে নির্ভরযোগ্য। চলাতি ইতিহাস-বেত্তারা এই ধারাকে প্রথমদিকে বিশেষ আমল দিতে চাননি। অথবা পদ্ধতির ভেতরে যে বৈজ্ঞানিক দৃষ্টিভঙ্গি রয়েছে সে সম্পর্কে অবহিত ছিলেন না, এ কথা বলা চলে।

‘সত্যের মতো গোপন হইয়াও বাতাসের মতো স্পর্শপ্রবণ।’ এই বাক্যটির মধ্যে একটি শব্দ ‘হইয়াও’ যথেষ্ট অনুধাবনযোগ্য। অদ্বৈত মন্ত্রবর্মণ তাঁর উপন্যাসে সামান্যতম মেদ রাখেননি, বরং বর্জন করেছেন। এ ক্ষেত্রে প্রতিটি শব্দ একেকটি ভিন্নমাত্রা যোগ করে। লোকসাহিত্যের ইতিহাসপর্বে ঐ শব্দের অনুবর্তনে এগিয়ে যাব। তবুও এখান থেকে অন্য-আর-একটি বাকের সন্ধান পাওয়া যায়। বিদেশে ওরাল হিস্ট্রি-র চর্চা এখন বহুল পরিমাণে দেখা যাচ্ছে। সম্প্রতি এদেশেও। এই ভিন্ন ধারাটিকে ‘কথকতার ইতিহাস’ বলেই অভিহিত করব।

ইতিহাসের প্রয়োজন তার সামাজিক জীবনের মধ্যেই প্রোথিত থাকে। বিশেষভাবে আঞ্চলিক ইতিহাস ব্যাপক অর্থে তার চরিত্রের পরিবর্তনশীল বৈশিষ্ট্যগুলিকে সযত্নে রক্ষা করে। পরিবর্তনের এ-ধারা সাধারণ চোখে অনেক সময় ধরা পড়ে না, বলা

উচিত অনেক উপেক্ষার গ্লানি নিয়ে চলে যায়। কিন্তু অঞ্জলের মানুষের কাছে, ঐ অঞ্জলের নতুন প্রজন্মের কাছে সেটি নানা আকারে নানা প্রকারে বাঁধা থাকে। কথকতার ইতিহাস এই সামাজিক দায়কে স্বীকার করেই, প্রচলিত ধ্যান-ধারণাকে চ্যালেঞ্জ জানিয়েছে।^৬

সামাজিক বিবর্তনের চিহ্নগুলিকে যদি না ধরে রাখা যায়, জাতির জীবনের সূত্রগুলি ছিন্ন-বিচ্ছিন্ন হয়ে পড়তে বাধ্য। এসব আমাদের জানা, অচেনা কিছু নয়। তবে কথকতার ইতিহাসটি অন্য দিগদর্শনের বিষয়টি তুলে ধরে, তা হল নির্দিষ্ট সমাজের মানুষকে তাঁর ইতিহাস রচনায় সাহস জুড়িয়ে থাকে। ফলে গোষ্ঠী উদ্ভূত ইতিহাসকার যে তথ্য ও তত্ত্বের সন্নিবেশ ঘটান সেটি আর কেউ, তিনি যতই পারদর্শী হন না কেন, পারেন না। ‘তিতাস একটি নদীর নাম’ আকার-আকৃতি-আয়তন নানাদিক থেকে পাঠকের কাছে যতটাই গ্রহণযোগ্য হয়ে উঠুক না কেন, উপন্যাসটির অন্যতম সম্পদ হল, গোষ্ঠী উদ্ভূত লেখক। উপন্যাসের শৈলীতে এটি উত্তীর্ণ। অদ্বৈত সম্পর্কে একটি আলোচনা প্রায়শই করা হয়ে থাকে— মালো পরিবারভুক্ত। ব্যাপারটি সত্যিকারের নিন্দনীয়, বর্ণবৈষম্যের শিকার। বর্ণ হিন্দুর ব্যাখ্যাকর্তারা প্রগতিশীলতার যতই খবজা ধরুন না কেন, প্রচ্ছন্নে তাঁরা শ্রেণী প্রবক্তা হয়ে থেকেছেন, অন্তত এই একটি বিষয়ে। কিন্তু কথকতার ইতিহাস-এর প্রবক্তা হয়ে অদ্বৈতকে কখনই নজরের মধ্যে আনেননি। এই সূত্রের ব্যবধান নতুন কোন সম্মান দেয় না ‘তিতাস’ সম্পর্কে। উপন্যাসের গতানুগতিক আলোচনা বিশেষ কোন উপলব্ধি ঘটায় না। ‘তিতাস’ এবং অদ্বৈতকে একই সঙ্গে গ্রহণ করার ক্ষেত্রে পদ্ধতিগত কোন বিবর্তন যদি না আনা যায় তাহলে উপন্যাসটির গঠন বৈচিত্র্য বহুলাংশে খর্ব হবে। এমনকি উদ্দেশ্যহীন হয়ে পড়তে বাধ্য।

তাকেই বালি রত

ছড়া নিয়ে এ যাবৎ যত গবেষণামূলক প্রবন্ধ রচিত হয়েছে, সেগুলির বেশিরভাগ বিশ্লেষণমূলক রচনা। কোনটির উল্লেখ না করেও বলা যায়, রবীন্দ্রনাথ-কৃত ব্যাখ্যাকে আরও বিশদ করে নিবন্ধকারেরা পাঠকের সামনে তুলে ধরেছেন। ১৬০১ সালে ‘বঙ্গীয় সাহিত্য পরিষৎ’ পত্রিকায় ‘ছেলে ভুলানো ছড়া’ সম্পর্কে রবীন্দ্রনাথ যে প্রবন্ধটি প্রকাশ করেন সেটির প্রথমেই তিনি উল্লেখ করেছেন, ‘বাংলা ভাষায় ছেলে ভুলাইবার জন্য যে সব মেয়েলি ছড়া প্রচলিত আছে, কিছুকাল হইতে আমি তাহা সংগ্রহ করিতে প্রবৃত্ত ছিলাম।’^৭ রবীন্দ্রনাথ যে ছড়াগুলি সংগ্রহ করেছিলেন সেগুলি সাধারণত স্ত্রী সমাজের মধ্যেই প্রচলিত ছিল। আচার আর ধর্মের দিক থেকে ছড়াগুলি ছিল মেয়েলি। ১৮৯৪ সালে পূর্বে বাংলার পল্লীঅঞ্লে বাসকালীন রবীন্দ্রনাথ ‘ছিন্নপত্রের’ পত্রগুচ্ছ রচনা করেছিলেন, তখন ‘ছড়া’ নামে একটি প্রবন্ধ (ছিন্নপত্র ৫ সেপ্টেম্বর ১৮৯৬) রচনা

করেন। প্রবন্ধটি ১৩০১ সালের ১৬ আশ্বিন স্যার গুরুদাস বন্দ্যোপাধ্যায়ের সভাপতিত্বে রবীন্দ্রনাথ এক সভায় পাঠ করেন। ঐ সময়েই প্রবন্ধটি ‘মেয়েলি ছড়া’ নামে ‘সাধনা’ পত্রিকায় প্রকাশিত হয়। তখনকার দিনের ইংরেজী শিক্ষিত সমাজ বিশ্বজ্ঞানের নানা দুরূহ বিষয় নিয়ে চিন্তা করতেন। রবীন্দ্রনাথ এই সম্পর্কে লিখেছেন— ‘কাল র-র সঙ্গে মেয়েলি ছড়া নিয়ে কথা হাঁছিল। তিনি বলাছিলেন, অমন একটা তুচ্ছ উদ্দেশ্যহীন বিষয় নিয়ে আমি কেন সাধারণের কাছে বস্তুতা দিতে গেলুম, তিনি বদ্ব্যভূতে পারেননি।’^৮ এই উদ্ভূতগুণগুলিই মালুম দেয় রবীন্দ্রনাথ স্ফূর্তি সময় ধরে লোকসংস্কৃতি বিষয়গুলি নিয়ে ভাবিত ছিলেন না, এ বিষয়ে তাঁর ভূমিকা পালন করেছেন। রবীন্দ্রনাথের আগে খ্রিস্টধর্ম প্রচারকদের কেউ কেউ বাংলাভাষা শিক্ষা লাভ করবার উদ্দেশ্য নিয়ে বাংলা লোক সাহিত্যের অন্যতম বিষয় ‘প্রবাদ’ সংগ্রহে মনোযোগী হয়েছিলেন একথা সত্য। কিন্তু তাঁদের সংগ্রহের প্রেরণা ও উদ্দেশ্য ছিল স্বতন্ত্র।

ছড়া যে কেবলমাত্র শিশুদের মনোরঞ্জনের জন্যই সৃষ্ট, এগুলির সঙ্গে পরিণত মানুষদের কোন সম্পর্ক নেই তা বলা যায় না। প্রধানত শিশুদের জন্য রচিত হলেও ছড়া রচয়িতা কখনই শিশু নয়। পরিণত মানুষ শিশুর উপযোগী করে শিশু মনস্তত্ত্বের কথা অবহিত হয়ে এগুলি রচনা করেছেন। আবার পরিণত মানুষ তাঁদের নিজেদের প্রয়োজনে, নিজেদের ব্যবহারের জন্যও ছড়া রচনা করেছেন। স্বভাবতই শিশুদের ছড়ার মতো বৈষয়িক ব্যাপার মুক্ত নয়। বরং বিপরীতটাই নিভরযোগ্য— অর্থাৎ বৈষয়িক প্রয়োজন সাধারণ সহায়ক হিসাবেই এই ছড়াগুলির উৎপত্তি। এগুলিই হল রতের ছড়া।

লোকসাহিত্যের বিভিন্ন বিভাগের মধ্যে ছড়ার ক্ষেত্রেই পাঠান্তরের পরিমাণ সব থেকে বেশি দেখা যায়। এই পাঠান্তর বিশেষ বিশেষ শব্দ প্রয়োগের ক্ষেত্রেই সীমাবদ্ধ থাকেনি, উপমা বা বর্ণনার ক্ষেত্রেও অবাধ পার্থক্যের আশ্রয়প্রকাশ ঘটেছে। রামেন্দ্রসুন্দর গ্রিবেদী ছিলেন মূলত বিজ্ঞান সাধক। ১৩০৬ সালে যোগীন্দ্রনাথ সরকার সংকলিত ‘খুকুমারের ছড়া’ গ্রন্থের ভূমিকায় লিখেছিলেন— ‘মনস্তত্ত্ববিদ ও সমাজতাত্ত্বিক এই সাহিত্য হইতে বিবিধ সত্যের আবিষ্কার করিতে পারেন। মানুষ জীবনের একটি বৃহৎ অংশের দুঃস্বপ্ন রহস্য এই অনাদৃত সাহিত্যের মধ্যে নিহিত রহিয়াছে।’

রত একান্তভাবে শ্রী সমাজের মধ্যেই সীমাবদ্ধ, একইভাবে রতের ছড়াও ঐ সমাজের মধ্যেই আবদ্ধ। এ কারণেই রতের ছড়াগুলি ছেলেভুলানো ছড়ার মতো বহুল প্রচারিত না হবার সম্ভাবনাই বেশি করে থেকে গেছে। এছাড়া রয়েছে রতের আচার অনুষ্ঠান— এর সাহায্য ছাড়া এই ছড়ার বিশেষ গুরুত্ব থাকে না। এ বিষয়ে সবচেয়ে গুরুত্বপূর্ণ কথা বলেছেন স্ফূর্তিচন্দ্র রায়— ‘ছড়াকে লৌকিক সাহিত্য বলা যায় না, লৌকিক সাহিত্য তার কাঠামো। ছড়াকে নিত্যসুখে মেয়েদের গাহ’দ্ব্য সাহিত্য বলা যায়। গাহ’দ্ব্য যেটুকু মেয়েদের স্ফূর্তি মর্মাট প্রভাব বিস্তার করেছে সেইটুকুর উপর মেয়ের প্রলেপ ঘটিয়েই এর রচনা।’^৯ অদ্বৈত মল্লবর্মা এই বিষয়ে অত্যন্ত সচেতন ছিলেন। ‘মাঘমন্ডল’ প্রবন্ধে

তিনি 'ছড়া বা মন্ত্র' এই শব্দগুণি ব্যবহার করেছেন।^{১০}

প্রকারভেদ

প্রাচীন ও আধুনিক সাহিত্য-বিচার প্রণালীর সঙ্গে লোকসাহিত্য বিচার প্রণালীর এক মৌলিক পার্থক্য আছে। কারণ লোকসাহিত্য আন্তঃবিদ্যার (Interdisciplinary subject) অপেক্ষা রাখে। শব্দধর্ম সাহিত্য জ্ঞানের দ্বারা লোক সাহিত্যের রস আবাদন সম্ভব হলেও এই সাহিত্যের প্রকৃত মূল্য আবিষ্কার করা সম্ভব হয় না।^{১১}

মূল বিষয়ে প্রবেশের আগে এই মৌলিক পার্থক্য সম্পর্কে বিচারটি যদি স্বচ্ছ করা যায় তাহলে পরম্পরাগত ঐতিহ্যটিকে বুঝতে সাহায্য করে। কেননা বিশুদ্ধ মেয়েলি ব্রতগুণি ঠিক কোন সাম্প্রদায়িক দেব-দেবীকে আশ্রয় করে বিকাশ লাভ করেনি। অনেক পরিমাণে এটি মাটির কাছাকাছি। এই 'মেয়েলি ব্রত' সম্পর্কে অবনীন্দ্রনাথ লিখেছেন— 'এর মধ্যে ধর্মচরণ কতক, কতক উৎসব, কতক চিত্রকলা, নাট্যকলা, গীতিকলা ইত্যাদি মিলে একটুখানি কামনার প্রতিচ্ছবি, কামনার প্রতিধ্বনি, কামনার প্রতিক্রিয়া...'। অন্যদিকে এই ব্যাখ্যার পরিধিকে আরও বাড়িয়ে দিয়েছেন— 'খাঁটি মেয়েলি ব্রতগুণিতে, তার ছড়ায় এবং আলপনার একটা জাঁতির মনের, তাদের চিন্তার, তাদের চেষ্টার ছাপ পাই।'।^{১২}

মাঘমন্ডল ব্রতে সূর্যের অভ্যদয়কে কল্পনা করে নেওয়া হয়েছে। 'স্থান ভেদে এই ব্রত সূর্যব্রত, লালঠাকুরের ব্রত, সিঁড়ি পূজা' নামেও অভিহিত করা হয়।^{১৩} সূর্যের বর্ণনা করে বিভিন্ন কাহিনী ব্রত উপলক্ষে গাওয়া এবং কথকতা করা হয়ে থাকে। যেমন বেহুলা-লখীন্দর, কালকেতু-ফুল্লরা কাহিনী বহুল প্রচলিত, তেমন লহনা ও খুল্লনার কাহিনী এই ব্রতে প্রাধান্যের সঙ্গে গাওয়া হয়ে থাকে। রামজীবন এই কাহিনী অবলম্বন করে একটি সূর্যের পাঁচালি রচনা করেন (১৬৩১ শক)। এই পাঁচালি চট্টগ্রামের জীবেন্দ্রকুমার দত্ত সংগ্রহ করে 'সাহিত্য পরিষৎ' পত্রিকায় (১৩শ খণ্ড) ছাপেন। পরে শরৎচন্দ্র মিত্র কলিকাতা বিশ্ববিদ্যালয়ের Journal of the Department of Letters-এ (১৫শ খণ্ড) ইংরেজিতে অনুবাদ করে ছাপেন। একটিতে সূর্যদেবের বাল্য-লীলা, বিবাহ ও দাম্পত্য জীবনের সংক্ষিপ্ত বিবরণ দিয়ে দীনেশচন্দ্র সেন 'বঙ্গ সাহিত্য পরিচয়' ১ম খণ্ড-এ ছাপেন। এছাড়া বাংলাদেশের ফরিদপুরের কোটালি পাড়া থেকে সূর্যের একটি পাঁচালি সংগ্রহ করেন চিন্তাহরণ চক্রবর্তী।^{১৪} তাঁর প্রকাশিত পাঁচালি থেকে জানা গেছে এই ব্রত শ্রীহট্টে প্রচলিত মাঘব্রতের অনুরূপ। আরও একটি 'শ্রীহট্টে মাঘ-ব্রত'র সন্ধান পাওয়া যায়।^{১৫} এটি শ্রীহট্ট জেলার সদর মহকুমায় প্রচলিত। রামপ্রাণ গুপ্ত 'ব্রত বিবরণ'এ (সাহিত্য পরিষৎ পত্রিকা ১৩০৯) ময়মনসিংহ জেলার টাঙ্গাইল মহকুমা ও ঢাকা জেলার মানিকগঞ্জের লৌকিক ব্রতগুণির যে বিবরণ দাখিল করেছেন তাতে 'মাঘমন্ডলের' কোন

উল্লেখ নেই। অন্যদিকে পশ্চিমবঙ্গে মাঘমণ্ডল নেই। পরিবর্তে বালিকারা অগ্রহায়ণ মাসে ইতু পূজো করে থাকে। যদিও এটি সূর্য পূজো। মাঘমণ্ডল ব্রত অনুষ্ঠানের সময়কাল একই, অর্থাৎ মাঘ মাস জুড়ে।

‘তীতাস’ উপন্যাসে অবৈত মল্লবর্মণ প্রবাস খণ্ডে মালোপাড়ায় প্রবেশের গোড়াতেই লিখছেন, ‘মাঘ মাসের শেষ তারিখে সেই মালোপাড়াতে একটা উৎসবের ধুম পড়িল। এটা কেবল কুমারীদের উৎসব। নাম মাঘমণ্ডল ব্রত।’ উপন্যাসের এ পর্বে অন্য বিষয়টির দিকে দৃষ্টি ফেরানো যাক। উপন্যাসটি গ্রন্থাকারে প্রকাশের পর মধুসূদন জানানো হয়েছে— ‘প্রথমত মাসিক মোহাম্মদীতে প্রকাশিত হইতে ছিল— গ্রন্থটির কয়েকটি শব্দক মৃদু হইবার সঙ্গে সঙ্গে তাহা রসিকদের দৃষ্টি আকর্ষণ করে। এমন সময় এই গ্রন্থের পাণ্ডুলিপিটি রাস্তায় হারাইয়া যায়।’ এই সংবাদ একদিকে পাঠকের কাছে বিশেষ তাৎপর্যপূর্ণ। কেননা অবৈত আবার উপন্যাসটি লিখতে বসেন এবং সমাপ্ত করেন। কাজটি যে খুব সহজ নয় সেটি পাঠককে বদ্বিধিয়ে বলার অপেক্ষা রাখে না। এক ধরনের পূর্ব-প্রস্তুতি ছাড়া কখনই লেখা সম্ভব হতে পারে না, অন্তত ‘তীতাস’ গোত্রের উপন্যাসের ক্ষেত্রে তা স্বীকার করতেই হবে। আমাদের বলার বিষয়টি এখানে, উপন্যাস কাগজে-কলমে লেখার বহু আগেই তিনি একটি উপন্যাসের প্রস্তুতি নিচ্ছিলেন। মহৎ শিল্পের ক্ষেত্রে যেটা জরুরি। তিনি বহু আগেই প্রত্যক্ষ করেছিলেন মালো জীবন আর সেই সঙ্গে লোকসংস্কৃতি সংগ্রহে হয়ে উঠেছিলেন পারদর্শী।^{১৬}

কাটা-ছেঁড়ার মধ্যেই জন্ম নেয় মহৎ শিল্পকর্ম। কখনও সম্পূর্ণ বর্জন বা কখনও নতুনভাবে সংযুক্তির ভেতরে থাকে উপন্যাস প্রক্রিয়ার জটিল অধ্যায়গুলি। হয়ত এর ফলে অবৈত মল্লবর্মণের সংগৃহীত লোকসম্পদে উপন্যাসে সামান্য পাঠান্তর লক্ষ্য করা যায়। এ ক্ষেত্রে মাঘমণ্ডল ব্রতে সেটি দেখা গেছে। একটি বিষয় জ্ঞাত করানোটা অপ্রাসঙ্গিক হবে না, উপন্যাস-পর্বে প্রবেশ করার আগে মল্লবর্মণ চাকুরি সূত্রে ‘নবশক্তি’ পত্রিকায় যোগ দিয়েছিলেন। এবং পরবর্তী কালে ঐ পত্রিকায় সম্পাদক রূপে দীর্ঘ চার বছর সেখানে ছিলেন। ঐ পত্রিকায় তিনি লোকসংস্কৃতি নিয়ে কয়েকটি প্রবন্ধ লিখেছিলেন। পঞ্চাশের বেশি বছর আগে এ জাতীয় একটি পত্রিকায় লোকসংস্কৃতি বিষয় নিয়ে প্রবন্ধ প্রকাশ করাটা অবশ্যই লক্ষণীয়। আর মল্লবর্মণের রচনার প্রতিভাস সম্পর্কে আশা আরও বাড়িয়ে তোলে, কেননা পত্রিকাটির প্রায় সম্পূর্ণ একক দায়িত্বে ছিলেন তিনি। অভিজ্ঞতা ও চর্চা মিশিয়ে যে উপন্যাস তিনি রচনা করেন তা অন্তত বাংলা সাহিত্যে ব্যতিক্রম হিসাবেই চিহ্নিত হয়েই আছে। যাই হোক, আমাদের আলোচ্য বিষয় মাঘমণ্ডল ব্রত, সেটি ‘নবশক্তি’ পত্রিকায় ১৯৩৮ সালে প্রকাশিত হয়।

অবৈত অপর যে কারণে স্বতন্ত্রতার দাবি জানাতে পারেন তা হল, তাঁর সংগৃহীত মাঘমণ্ডল ব্রতটি অপরাপর সংগ্রহ থেকে একেবারেই আলাদা। জানি যে সূর্যব্রতের আর একটি রূপ হল মাঘমণ্ডল। অচ্যুতচরণ চৌধুরী ‘শ্রীহট্টের ইতিবৃত্ত’ গ্রন্থে ব্রতটির অপর

নির্দেশিকা দেন। তাতে তিনি দেখিয়েছেন— ‘অভিভাবকগণ তুঙ্গল, হরিদ্রা, ইষ্টক চূর্ণ এবং আবির দ্বারা প্রত্যহ বেদীর ব্রতস্থান চিহ্নিত করিয়া দেয়।’^{১৭} অর্থাৎ যে মাঘমাসের উল্লেখ করেছেন তাতে অভিভাবকের স্থান নেই, রয়েছে ব্রতচারিণী মেয়েরা। মনে হয় ‘শ্রীহট্টের ইতিবৃত্ত’ গ্রন্থে যে সমাজের উল্লেখ রয়েছে সেটি সম্ভবত কোন উচ্চ শ্রেণীর। নিম্নবর্ণের মানুষেরা, তাদের ব্রত উদ্‌যাপনে অভিভাবকদের প্রচ্ছন্ন ভূমিকা থাকলেও, প্রত্যক্ষ কোন ভূমিকাই থাকে না।

সতীশচন্দ্র ভট্টাচার্য লিখিত ‘শ্রীহট্টে মাঘ-ব্রত’-এর লেখক জানিয়েছেন, ‘জেলার সদর মহকুমায় প্রচলিত মাঘব্রতের মন্ত্রগদ্যলি কৌনরূপ পরিবর্তন না করিয়া গ্রামাভাষায় লিপিবদ্ধ করা হইল।’ এই লিপিবদ্ধ ব্রতগদ্যলি থেকে মল্লবর্মণের সংগৃহীত ব্রতগদ্যলির পার্থক্য কোথায় সেটি দেখবার চেষ্টা করব। প্রথমে সতীশচন্দ্র ভট্টাচার্যের ব্রত ও পরে মল্লবর্মণের ব্রতগদ্যলি পরপর সাজিয়ে দেওয়া গেল—

চন্দ্র পূজা—

১. চান্দ আইলা চন্দনে,
সুন্দর আইলা বন্দনে
পিড়ন্তম আইলা আসিয়া
মুই বর্ত্ত করি সিংহাসনে বসিয়া।
২. চান্দ পূজলাম চন্দনে
সুন্দর পূজলাম বন্দনে
চান্দ পূজ্যা আইলাম স্থান
সুন্দর পূজ্যা স্বর্গ ধাম।

পৃথিবী পূজা—

১. পিড়ন্তম পূজি তিনকুণা,
রাজ্য পূজি সম্পূর্ণা।
পিড়ন্তম পূজি আইলাম বর,
বিষ্ণুপুত্রী মর ঘর।
২. তিনকোণা পৃথিবী জলে যায় ভাসিয়া
বর্ত্ত ভইনে বর্ত্ত করে সিংহাসনে বসিয়া।

পুকুরের পূজা—

১. পুকুরের কুল লাঙ্গলের মাটি,
(আমার) বাপু ভাই আউকা লুয়ার কাটি।
২. মাগা দিছে পুষ্কর্ণি, ভাগনা দিছে পার
শুয়া পক্ষে পানি খায়,
সমুদ্রের শুকায়া যায়।

মাঘমণ্ডল পূজা—

১. মাঘমণ্ডল সন্ধ্যার কুণ্ডল, বাপ রাজা ভাই পরজা ;
আপনে বিদ্যাধরী, মাই পটেশ্বরী ;
কবালির গুবর ভিঙ্গার পানি, জন্মে জন্মে আর রাণী ।
২. মাঘমণ্ডল সোনার কুণ্ডল
বাপ রাজা ভাই বাদসা
মা বিদ্যাধরী
বছরে বছরে পূজা করি ।

এ ছাড়া অষ্টমত অপর যে দুটি মন্ত্রের উল্লেখ করেছেন— বাজপাখি মন্ত্র ও ঘোড়া মন্ত্র সেগদুলি সতীশচন্দ্র ভট্টাচার্যের সংগ্রহে নেই ।

চিন্তাহরণ চক্রবর্তী কতৃক সংগৃহীত 'বঙ্গ সূর্য পূজা ও সূর্যের নূতন পাঁচালী'তে সূর্যদেবকে নিবেদন করে 'সূর্যের জাগরণ' অংশে ছিল—

ওঠো ওঠো রাউল (রাজা / যোদ্ধা) ঝাঁক ঝাঁক দিয়া ।
সূর্যের পশ্চিম খাড়ু (অলংকার) নিশিরে থুইয়া ॥
নিশিরে থুইয়া না লো ঝাপড় বধুঘর ।
আমাদের রাউলের হাতে তাম্বুল ॥
হাতে তাম্বুল না লো পাছে থুইয়া ।
নিয়া গেল বাওন ঝি কোলে করিয়া ॥...

অষ্টমত কতৃক সূর্য বন্দনা অবশ্যই অঙ্গলের প্রভেদগত কারণে পৃথক হতে বাধ্য ।
প্রাসঙ্গিক ভাবে সেটির উদ্ধৃতি দিচ্ছি—

লও লও সূর্য ঠাকুর লও তোষের জল
মাঁপিয়া জুঁখিয়া দিমু সপ্ত অঁজল
সপ্ত অঁজল নারে এক অঁজল উনা
উনা দূনা ভইরা দিমু নাইওরের সোনা
নাইওরের সোনা নারে হাঁটুগুটু পানি
তাথে দিয়া আইলাম সূর্যের পানি ।

শ্রীহট্ট জেলার আর একটি মন্ত্র (সতীশচন্দ্র ভট্টাচার্য)—

ল-ল সূর্যবাই সতে কুর পানি,
লোঁখিয়া জুঁকিয়া সাত কুর পানি ।
সাত কুর পানি মর সাত ডালে যায়,
এক কুর পানি দিয়া রাইচালি খেলায় ।
রাই চালি খেলাইতে খেলাইতে ফুটি আইল কাট,

ঘাইট ঘিলা বাটরে সূরধাইর বেটা
 এক হাতে ঘাইট ঘিলা আর হাতে তেল,
 নাইবারে সূরধাই কুন ঘাটে গেল।
 নাইয়া দুইয়া রদিং দিল পিঠ, তাৎতনে
 পাড়িয়া গেল সংর ভইনের দিশ।
 সংর ভইন মর সংর রাণী,
 উঠিয়া দেউকা জুকার কিনি।
 উঠিতে বকমক পাড়িতে রাজা,
 মাসাবদি মাঘাইর সেবা
 মাঘাইর বস্তি ভইন না খাও গুয়া
 আমার বাপ ভাই পাণ্ডহরের সূয়া।
 পাণ্ডহরের সূয়া মর ভাই সব রে
 চন্দনে লৌপিল মর সব গারে।

বিশ্বব্যাপী একটা রত-অনুষ্ঠান

আবার উপন্যাসে ফিরে আসি। দুঃখের বিষয় অদ্বৈত একেবারে ভিন্ন ধারার মানুষ ছিলেন। প্রচারমুখী ছিলেন না। ফলে ঔপন্যাসিককে অনুধাবন করতে এখন উপন্যাস নির্ভর হয়েছে চলতে হবে। তাঁর জীবন উপন্যাসে ছায়া ফেলেছে, কিন্তু উপন্যাস হয়েছে ওঠেনি। এই একটি মাত্র কারণে তাঁর উপন্যাস ‘তিতাস’ আন্তর্জাতিক সহায়ক হয়েছে ওঠে।^৮

উপন্যাসের চারটি খণ্ড। প্রতিটি খণ্ড আবার দুটি পরিচ্ছেদে ভাগ করা হয়েছে। ১. তিতাস একটি নদীর নাম, প্রবাস খণ্ড। ২. নয়া বসত, জন্ম মৃত্যু বিবাহ। ৩. রামধনু, রাঙানাও। ৪. দুরাঙা প্রজাপতি, ভাসমান। ধ্রুপদী উপন্যাসে জীবন নদীর মতোই বহমান। তাই প্রবাস খণ্ডে দেখি বিবাহের জন্য মালো পাড়ার মেয়েরা দলে দলে মাঘমন্ডলের পূজো করে। কিন্তু ঔপন্যাসিক চিত্রিত বিষয়টি দেখাবার আগেই এটা বলে নিতে সামান্য বিধা করেন না—‘এ পাড়ার কুমারীরা কোন কালে অরক্ষণীয় হয় না। তাদের বন্ধুর উপর চেউ জাগিবার আগে, মন যখন থাকে খেলার খেলায় রঙিন, তখনই একদিন ঢোল সানাই বাজাইয়া তাদের বিবাহ হইয়া যায়।’ এই প্রবহমানতাকে খান-খান করে অদ্বৈত মাঘমন্ডলের বিবরণ থেকে চলে আসেন—‘প্রতি বছর একই রকম তালে তারা ঢোল আর কাঁসি বাজায়। আজও সেই রকমই বাজাইতেছে। সবই একই রকম আছে, পরিবর্তনের মাঝে দুঃখাইর ঢোলটা আরও পুরানো হইয়াছে, তার ছেলোটো আরও বড় হইয়াছে।’ এর পরের অংশেই উপন্যাসের ন্যারেটিভে ঢুক পড়েন—‘বাসন্তীর মাথায় জবজবে তেল, পরনে মোটা শাড়ি। এই কালকের থেকেই যেন আজ তাকে অনেকখানি

বড় দেখাইতেছে। এখানে সমগ্র উপন্যাস আলোচ্য বিষয় নয়, যে মহাকাব্যিক ব্যঞ্জন উপন্যাসের শরীরে লেগে রয়েছে সেখান থেকে এই সূত্র-সম্প্রদায়টি মেলে— উপন্যাস ছাপিয়ে জীবনের সন্ধানেই পাঠকদেরকে ঠেলে দেন। এখানেই তাঁর শ্রেষ্ঠত্ব সাফল্য। অবৈতের পা ডোবানো রয়েছে দেশের মাটিতে। □

১. তিতাস একটি নদীর নাম : অদ্বৈত মল্লবর্মণ / ১৩৯৮ / পৃ. ২৬
২. তিতাস... / পৃ. ২৬
৩. তিতাস... / পৃ. ২৭
৪. তিতাস নদীর তীরে মালোদের বাস। ঘাটে-বাঁধা নৌকা, মাটিতে ছড়ানো জাল, উঠানের কোণে গাভের মটকি, ঘরে ঘরে চরকি, তক্লি— সূতা কাটার, জাল বোনার সরঞ্জাম। এই সব নিয়াই মালোদের সংসার। — তিতাস... / পৃ. ৩৩
৫. 'কিছু কামনা করে যে অনুষ্ঠান সমাজে চলে তাকেই বলি ব্রত।' —বাংলার ব্রত : অবনীন্দ্রনাথ ঠাকুর / ১৩৮৩ / পৃ. ৫
৬. The challenge of oral history lies Partly in relation to this essential purpose of history,—The voice of the past : Paul Thomson. / 1978 / p. 2
৭. রবীন্দ্রনাথ ও লোক সাহিত্য : আশুতোষ ভট্টাচার্য / ১৯৭৩ / পৃ. ২০
৮. ঐ / পৃ. ১৭
৯. বাংলা লোক-সাহিত্য চর্চার ইতিহাস : বরুণকুমার চক্রবর্তী / ১৩৮৪ / পৃ. ১৩৩
১০. পূজার সময় মেয়েরা কতকগুলি ছড়া বা মন্ত্র আবৃত্তি করিয়া থাকে। —মাঘমণ্ডল : অদ্বৈত মল্লবর্মণ / বারমাসী গান ও অঙ্কন— দেবীপ্রসাদ ঘোষ সম্পাদিত / ১৯৯০ / পৃ. ৫৯
১১. বাঙলার লোকসাহিত্য ও সংস্কৃতি : হুলাল চৌধুরী / ১৩৭৬ / পৃ. ১৭৩
১২. বাংলার ব্রত : অবনীন্দ্রনাথ ঠাকুর / ১৩৮৩ / পৃ. ৬
১৩. মাঘমণ্ডল / পৃ. ৫৯
১৪. বস্কে সূর্য্য পূজা ও সূর্য্যের নূতন পাঁচালি : চিন্তাহরণ চক্রবর্তী / সাহিত্য পরিষৎ পত্রিকা / ১৩৪০
১৫. শ্রীহট্টে মাঘ-ব্রত : সত্যীশচন্দ্র ভট্টাচার্য / সাহিত্য পরিষৎ পত্রিকা / ১৩৪০
১৬. মাঘ মাসের ত্রিশ দিন তিতাসের ঘাটে প্রাতঃ স্নান করিয়াছে; প্রতিদিন স্নানের শেষে বাড়িতে আসিয়া ভাঁট ফুল আর দুর্বাদলে বাঁধা বুটার জল দিয়া দি'ড়ি পূজিয়াছে, মন্ত্রপাঠ করিয়াছে : 'লও লও মুরজ ঠাকুর লও বুটার জল, মাপিয়া জুখিয়া দিব সপ্ত আজল।'—তিতাস... / পৃ. ৩
- মল্লবর্মণ লিখিত মাঘমণ্ডল প্রবন্ধে ভিন্ন পাঠ আছে। 'লও লও মুকুট ঠাকুর লও তোমের জল / মাপিয়া জুখিয়া দিমু সপ্ত-আজল...'। মাসিক মোহান্মনী পত্রিকায় উপজ্ঞানটি যখন প্রথম প্রকাশিত...তখন কিন্তু পত্রিকায় প্রকাশিত অংশে প্রথম খণ্ডের দ্বিতীয় পর্ব প্রবাস খণ্ড...সম্পূর্ণ অনুপস্থিত।—অদ্বৈত মল্লবর্মণ ১৯৮৪-১৯৯১ : শান্তনু কায়সার / ঢাকা ১৯৮৭ / পৃ. ৩৩
১৭. শ্রীহট্টের ইতিবৃত্ত : অচ্যুতচরণ চৌধুরী ১ম খণ্ড / ১৩১৭ / পৃ. ৯৩
১৮. মেয়েদের মধ্যে ব্রতগুলি এখন যেভাবে অনুষ্ঠিত হচ্ছে, তাকেই ব্রত অনুষ্ঠানের আদর্শ বলে নিতে পারি কি না প্রথমে সেটা দেখা যাক : ...মানুষের এবং সব জীবেরই, বিচিত্র কামনা চরিতার্থ হবার পূর্বে বিচিত্র চেষ্টায় আপনাকে বাস্তব করে। ...মানুষ আজীবন কামনা ও তার চরিতার্থতার নানা ক্রিয়া করে চলেছে। কী অনুষ্ঠান করলে যে কী হবে তার কতক মানুষ আপনা হতেই আবিষ্কার করে, কতক দেখে শিখে নেয়, কতক ঠেকে শিখে নেয়...। জীবনের কামনা যতক্ষণ না মরণে গিয়ে ধামছে ততক্ষণ...। —বাংলার ব্রত : অবনীন্দ্রনাথ ঠাকুর / ১৩৮৩ / পৃ. ১৩ □